

KIAP SUNA SULIARISSAVAA?



**Sullivinnik
Nakkutilliisoqarfik**

● +299 34 25 90

● at@at.gl

KIAP SUNA SULIARISSAVAA?

Suliffigissaasut suliassaat aamma akisussaaffii:

Kalaallit Nunaanni Suliffigissaasut siunertaraat suliffeqarnermi suleqataasut suliffimmi avatangiisit isumannaannerulernissaat peqqinnarnerulernissaallu anguniarlugu suliniuteqarnermi sunniuteqaqataatinniarnissaat.

Suliffigissaasut suliassaraat:

- Suliffigissaasut suliffimmi avatangiisit pillugit apeqqutit pillugit ilisimasaqarnerup siaruarternissaanut suleqataassapput.
- Nammineerlutik suliniuteqarnermikkut apeqqutit suliffimmi avatangiisinut pingaaruteqartutut isumaqarfigisatig oqal-lisigisassavaat, aammalu taakku pillugit suliffeqarnermut ministerimut, Naalakkersuisunut aamma Sullivinnik Nakkutilliisunut oqaaseqaateqartassallutik.
- Inatsisinut allannguutissat maleruagassallu nutaat, kiisalu suliassat ataasiakkaat, suliffeqarnermut ministerip, Naalakkersuisut aamma Sullivinnik Nakkutilliisoqarfiup Suliffigissaasunut saqqummiussaata oqaaseqaateqarfigisassavaat siunnersuuteqarfigisassallugillu;
- Kalaallit Nunaanni Sullivimmi avatangiisit pillugit inatsimmi § 64 naapertorlugu naammagittaalliutit aalajangiivigineqannginnerini Siunnersuisoqatigiit oqaaseqaateqartinneqaqqartussaapput.

Sullivinnik Nakkutilliisoqarfiup suliassai aamma akisussaaffii:

Kalaallit Nunaanni sullivimmi avatangiisit pillugit apeqqutini Sullivinnik Nakkutilliisoqarfiup suliassaraa,

- suliffeqarfiit, sulisoqarnermi kattuffiit aamma innuttaasut sullivimmi avatangiisit pillugit apeqqutini ilitsersussallugit;
- inatsit naapertorlugu malittarisassanik piareersaateqarnermi Beskæftigelsesministeriaqarfik ikiussallugu;
- Beskæftigelsesministerip piginnaatitsinera naapertorlugu najoqqutassanik atulersitsisassalluni;
- sullivimmi avatangiisini isumannaallisaanerup peqqinnerullu pitsanngorsarnissaat siunertaralugu teknikkikkut inuillu akornanni ineriartorneq alaatsinaassallugu;
- suleriaatsinut pilersaarutinut, sullifinnut teknikkikkullu ator-torissaarutinut tunngasunik suliat il.il. sularissallugit, kiisalu atortussiat atortussallu aamma inatsisit imaluunniit malittarisassat naapertorlugit akuersissutit;
- inatsit najoqqutassallu inatsimmit tunngaveqartut malinneqarnerut nakkutigissallugu. Sullivinnik Nakkutilliisoqarfiup nakkutilliisut eqqartuussivimmit aalajangiiffigineqaqqaarnani kinaassutsimut allagartamik takutitsilluni suliffeqarfinnut pisortanit aamma namminersortunit pigineqartunut qaquguk-kulluunniit isersinnaatitaapput, tamanna suliassamik ingerlatsinnaanissaasa pisariaqartippassuk. Pisariaqartillugu politit ikiuutissapput.

Sullivinnik Nakkutilliisoqarfiup sulisui eqqartuussivimmi aalajangiinertaqanngitsumik uppersaatinik piumasaqarsinnaapput, matumani ilanngullugit assiliisinnaallutik assigisaannilluunniit, aamma misissugassanik tigusillutik. Tamanna pillugu sulisitsisoq taassumaluunniit sinniisua ilisimatinneqassaaq.

SULLIVINNIK NAKKUTILLISOQARFIUP
PEQQUSSUTIGISINNAAVAA PISSUTSIT
INATSIMMUT MALITTARISASSANULLUUNNIIT
IMALUUNNIIT INATSIT NAAPERTORLUGU
AALAJANGIINERNUT AKERLIUSUT
INGERLAANNAQ IMALUUNNIIT
PIFFISSALIUSSAQ NAATINNAGU
ILUARSINEQASSASUT.

Sullivinnik Nakkutilliisoqarfiup pisariaqarsoriguniuk sulisunut allanulluunniit isumannaallisaanikkut peqqinnissakkulluunniit aarlerinartorsiortitsinerup, annertuumik ajoqusiisnaanerup pingitsoortinniarnissaa, peqqussutigisinnavaa tamatuma aaqqiiviginiapallanneqarnissaa ilanngullugu

Sulisitsisup suliassai akisussaaffilu:

Sulisitsisup piffissaq

- qasuersarfusussaq aamma ulloq unnuarlugu suliffiusussaanngitsoq pillugit aalajangersakkat malissavai;
- sullivinnik nalilersuisoqarnissaa aallartissavaa;
- suliffeqarfiimmi isumannaallisaanermik peqqinnissamillu sulineq aallartisassallugu;
- suliffeqarfinni qulit sinnerlugit sulisoqartuni sulisitsisup isumannaallisaanermut aaqqissuusaaaneq aallartissavaa, aamma isumannaallisaanermut aaqqissuusaaanermi ilaasortat ilinniartinneqarnissaat isumagalugu;
- sullivimmi ataatsimi sulisitsisut ikinnerpaamik marluk suliaqarfigisaani tamaani isumannaallisaanikkut peqqinnissakkullu suliniarneq sulisitsisut suleqatigiissutigisavaa;
- Kalaallit Nunaanni inuusuttut sulinerat pillugu aalajangersakkat malissallugit.

Sulisup suliassaa akisussaaffialu:

Sulisut suliainnut suliffimminnullu atatillugu isumannaallisaanermut peqqinnissamullu tunngasut ilisimassavaat. Sulisut





isumannaatsuunissaminnut peqqissuunissaminnullu akisussaapput, suleqatitik ilanngullugit.

Isumannaallisaanermut aaqqissuussaannermi najoqqutassiat sulisunit malinneqassapput. Sulisut suliaminnut atatillugu ajutoorfusinnaasut paasisimalikkatik pillugit ilisimatitsissapput. Sanatitsisup suliasai akisussaaffilu: Sanatitsisoq sanaffiususaaq pilersinneqalersinnagu aaqqissuunnissaanut ingerlannissaanullu atatillugu isumannaatsuunissami peqqinnissamilu allakiaasunik pilersaarusiortassaaq, sanaffiusussami taannaasumi sulisitsisut marluk arlallilluunniit inunnik qulinit amerlanerusunik ataatsikkut sulisoqassappata.

Pilersaarutip imarissavai:

- 1) Aaqqissuussaannermut pilersaarut.
- 2) Sanaartorfiup titartagataa.
- 3) Piffissamut pilersaarut.
- 4) Angallaffiit nalunaarsorneqarnerat.
- 5) Sumiiffiit sulisitsisunit sulisuinillu arlariinnit suliffigineqartussat nalunaaqutserneqarnerat.
- 6) Sumiiffinni ataatsimoorluni suliaqarfusussani isumannaallisaatit pilersinneqartut allaaserinerat.
- 7) Sumiiffiit suliaqarfusut immikkut ulorianartorsiorfusinnaasut killeqarfilerat.
- 8) aqquersuutitut ikkussukat isumannaallisaatit immaqalu immikkut ulorianaateqarsinnaasut il.il. ingerlaavartumik misissortarnissaannut
- 9) Ingerlaavartumik nakkutilliineq aamma upalungaarsimaneq pillugu pilersaarutit, qimarnngussuinissamut pilersaarutit sungiusarnissamullu pilersaarutit ataqatigiissaarneqarnissaannut kina akisussaasuunersoq pillugu allattukkat.

Sanatitsisup illulioriternissap sanaartornissalu pilersaarusiortaneranut atatillugu qularnaartassavaa

- 1) suliasat aallarnerneqalersinnagit nunami aqquersuutitut ikkussukat pioreersut suussusersineqarnissaat misissorneqarnissaallu aamma pisariaqassappat ajoqusitsaaliorniarnissaat erseqqissumillu nalunaaqutserneqartarnissaat,
- 2) suliasat aallarnerneqalersinnagit nunaminertami immikkut

ulorianaateqarunnartut suussusersinissaat, naliliiffigineqarnissaat pisariaqarneratullu annertutigisumik ajoqusitsaaliorniarnissaat erseqqissumillu nalunaaqutserneqartarnissaat,

- 3) teknikikkut atortulersuutit pisariaqartinneqartut atuiffiusussani piffissaalluartillugu ikkussorneqarlutillu taakkununga ingerlaartitaalernissaat aamma pisariaqarneratut misissorneqartarlutillu aserfallatsaaliorneqarnissaat,
- 4) sanaartorfimmi ingerlaarneq qaqugukkulluunniit tamakkisumik illersorneqarsinnaasumik pisinnaassaaq ilanngullugu aqquernit pisariaqartumik qaammaqutitnik pilersorneqarsimassallutik,
- 5) teknikikkut atortut atortorissaarutit pisariaqarneratut annertutigisumik atorneqarsinnaanissaat,
- 6) atortussat inissiivissamut naleqquttumut inissinneqarsinnaanissaat aammalu patajaatsumik allequtaqartinnissaat,
- 7) Sumiiffiit sulianik immikkut ulorianaatilinnik ingerlassiviusussat ajornangippat allanut suliaqarfutinnaveersaarnissaat imaluunniit angallaffiunaveersaartinnissaat,
- 8) aqquersuutitut ikkussukat, isumannaallisaatit immaqalu immikkut ulorianaateqarsinnaasut il. il. ingerlaavartumik misissortarnissaannut
- 9) periaasissanik aalajangersaasoqarnissaa, pisariaqarfatiqullu upalungaarsimanermut pilersaarutitnik, qimarnngussuinissamut pilersaarutitnik sungiusarnissamullu pilersaarutitnik, ataqatigiissaarisooqarnissaa.

Angajoqqaat suliasaat akisussaaffilu: Inuusuttunut angajoqqaat eqqumaffigissavaat

- inuusuttuaq sumik suliaqarnersoq;
- suliaq qanoq ingerlanneqarnersoq;
- inuusuttoq, suliffimmi taama ittumi sulissaguni piffissap akuerisap iluani sulinersoq;
- qasuersaarfissat aamma ulloq unnuarlu sulinnngiffiusussat pillugit aalajangersakkat malinneqarnersut;
- inuusuttoq atuarfimmi atuarpat ilinniarfimmiluunniit ilinniarpat, taakkunani akunnerit atorneqartut suliffimmilu akunnerit atorneqartut katillugit sapaatip akunneranut akunnerit suliffiusussat qummut killigat qaangerneqarsimassanngitsaq.

